



華陽國志卷十中 廣漢士女

講學冲邃洙泗是稀猶帝紹聖庶熙疇咨

揚宣字君緯什邡人也少受學於楚國

王子張天文圖緯於河內鄭子侯師事

揚翁叔能暢鳥言長於灾異教授弟子

以百數成帝徵拜諫大夫帝無嗣宣上

封事勸宜以定陶恭王子為太子帝從

之出宣為交州牧太子即位為哀帝拜

河內太守徵徵太倉令上宜封周公孔子

後帝從之封周公孫相如為褒魯侯孔

子後孔均為褒成侯又薦遼東王綱瑯  
琊徐吉太原郭越楚國龔勝等宜讚隆  
時雍平帝時命持節為講學大夫與劉  
歆共校書居攝中卒門生河南李吉廣  
漢嚴象趙翹等皆作大儒

長

伯撫遐聲暢中畿折虎命邦綽有餘徽

鄭純純字長伯鄭人也為益州西部都尉

學前南中志

處地金銀琥珀犀象翠羽出作此官者  
皆富及十世純獨清廉毫毛不犯夷漢  
歌歎表聞三司及京師貴重多薦美之

明帝嘉之乃改西部為永昌郡以純為  
太守在官十年卒列盡頌東觀

三

老泱泱實作父師

楊統字仲通新都

人也事華里先生炎高高戒統曰漢九  
世王出圖書與卿適應之建武初天下  
求通內識者不得永平中刺史張志舉  
統方正司徒魯恭辟掾與恭共定音律  
上家法草句及二卷解說遷侍中光祿大  
夫以年老道深養於辟雍授几杖為三  
老卒內識二卷竟未詳

平仲涉道殆乎庶幾 王祐字平仲鄆人  
也少與維高士張浮齊名不應州郡之  
命司隸校尉陳紀山名知人稱祐天下  
之高年四十二卒弟獲志其遺言撰王  
子五篇東觀即李勝文章士也作誄方  
之顏子列盡學官 李素營 獲一作灌 劉孝本作雙行

後漢書作楊厚

文父明洞探賾索微 楊序字仲桓統仲  
子也道業侔父三司及公車連徵辭拜  
侍中上言四方反荆楊交州當兵起人  
民疫蝗洛陽大水宮殿當灾三府當免

楊劉孝本作楊

劉孝本作厚

李素註稱

近戚謀變皆効驗大將軍梁冀秉權自退  
去授門徒三千人本初元年及建和中  
特徵聘不行年八十三卒天子痛惜詔  
謚曰文父弟子雖昭約節宰綿竹寇權文  
儀蜀郡何萇幼正侯祈升伯巴郡周舒  
叔布及任安董扶等皆徵聘舉馳名  
當世

元章玄泊韜光匿耀 段翳字元章新都  
人也明經術妙占未來常告太渡津口曰  
某日當有諸生二人荷擔問翳舍處者

幸為告之後竟如其言又有人從冀州  
來學積年自以精究醫術辭去醫為筒  
作書封頭與之告曰有急發之至葭萌  
爭津吏搥從者頭諸生發筒筒中有書  
曰到葭萌爭津破頭以膏裹之生乃喟  
然知不及醫還更精學醫常隱匿不使  
人知門人皆號夫子

稚子弈弈古之畏愛 王濬漢字稚子鄆人  
也初為河內溫令路不拾遺卧不閉門  
民歌之曰王稚子世未有平徭役百姓

李本作史

喜遷兖州刺史部中肅清徵拜侍御史  
洛陽令聰明惠斷公平廉正抑強扶弱  
化行不犯發奸擿伏思若有神京華密  
靜權豪畏敬元興元年卒百姓痛哭二  
縣弔祭行人商旅莫不祭之賈胡左威  
遭其清理制服三年洛陽弦歌之為立  
祠天子悼惜每下詔書德令必賜後嗣  
與卓茂等為伍

敬伯愷悌樹德播惠 王堂字敬伯鄆人  
也初臨巴郡進賢達士舉孝子嚴永隱

士黃錯及張璠陳髦民為立祠徙任左  
扶風政教嚴明帝舅車騎將軍閻顯大  
將軍竇憲中常侍江京等囑託輒拒之  
白鹿見象不以為祥徙魯相又徙汝南  
守舉陳蕃為功曹應嗣司隸校尉號知  
人之鑑

右  
劉筆本亦作左

叔宰濟濟以禮進退李本諸箱馮顥字叔宰鄆人

也少師事楊仲桓及蜀郡張光超後又  
事東平虞叔雅初為謁者威儀濟濟為  
成都令遷越雋太守所在著稱為梁冀

所不善異風州追之隱居作易章句及  
刺奢說脩黃老恬然終日

大匠竒暢妙監立察盡言世規祇以隕越

翟酺字子超雒人也少事段熲以明天  
官為侍中尚書常見太史令孫懿歎歎  
涕泣曰圖書有賊臣孫登將以才智為  
黃門開路君表相應之是以悽愴後為  
京兆尹光祿大夫將作夫匠上言漢四  
百年當有弱主閉門聽政數在三百年  
之間薦故太尉龐參故司徒李郃明通

三才忠正可以輔世所言每指利疾權  
貴經誦及尚書令高堂芝交構構免死者  
援神契經說卒家

司隸聰敏奮名後葉 郭賀字喬卿雒人  
也初為太守黃幸戶曹幸有事與漢中  
太守李榮俱被徵賀勸幸星行詣詔獄  
自歸得免榮稽留詔殺之由是顯名天  
守蔡茂命為主簿茂夢坐太極殿上得  
嘉禾三穗以問賀對曰明府位當至三  
公旬月茂遷司徒表賀明律令稍遷侍

中尚書僕射司隸校尉荊州刺史明帝  
南巡狩善其治徵河南尹卒天子痛惜  
賜錢三十萬

鍾徒南切

鍾蔡翩翩交友惟賢 鍾顯字子誦鄭人

也蔡弓字子騫雒人也俱携手共學冬

則侍親春行受業與張霸李邵張皓陳

禪為友共師司徒劉奉世字格魯恭顯又與王稚

子同見察孝於太守陳司空歷豫州刺

史光祿大夫侍中衛尉弓為廬江太守

徵拜郎而霸邵皓禪皆至公卿

兩李麗采文藻可觀

李尤字伯仁李勝

李本堂格

劉李本堂揚

字茂通雒人也侍中賈逵薦尤有相如

楊雄之才明帝召作東觀辟雍德陽諸

觀賦銘懷戎頌百二十銘著政事論七

篇帝善之拜諫大夫樂安相後與劉珍

共撰漢記孫充有文才勝為東觀郎著

賦諫論頌數十篇

憲父懸車

王稚字叔起堂幼子也屢拒

孝廉公府十五辟公車徵及授二千石

徵以太常終不詣年八十一卒門人錄

其本行謚曰憲父癸未詔書以安車聘

請會已亡

徵

君肥遯

馮信字季誠鄴人也郡三察

孝廉州舉茂才公府十辟公車再徵不

詣公孫述時託目青盲李本堂格傳婢姦其前陽

不覺述卒以年不之出

董任循志束帛幾幾

董扶字茂安任安

李本堂格

字定祖綿竹人也家居教授弟子自遠

而至扶初應賢良方正詣京師宰府十

辟公車三徵再舉有道為侍中觀漢將

亂求為屬國還蜀安察孝及茂才公府  
辟公居徵皆不詣卒布衣弟子杜微何  
宗杜瓊皆名士至卿佐

文表李本傳高記博提攜士彦 王商字文表廣漢

人也傳學多聞州牧劉璋辟為治中試

守蜀郡太守荆州牧劉表大儒南陽宋

仲子遠慕其名皆與交好許文休稱商

中夏王景興輩也商勸璋攬奇拔雋甚

善斥劉李本傳拔薦致名士安漢趙趙劉李本傳題及陳實

盛先墊江龔楊趙敏黎景閬中王澹江

史一劉寵

州孟彪皆至州右職郡守又為嚴李立

祠正諸祀典在官李本傳一十年而卒

超類拔萃寔惟世信 劉寵字世信綿竹

人也出自孤微以明公羊春秋上討闕

下見除成都令政教明肅時諸縣多難

治乃換寵為郫令又換郵安漢皆垂績

還在成都遷牂柯太守初乘一馬之官

布衣疏食儉以為教居郡九年乘之而

還吏人為之立銘王商陳實當世貴士

皆與為交

節英元烈仰訴鼎臣

劉本作元

新劉本作訴

段恭字節英雄人

也少周流七十餘郡求師受學經三十

劉本作元

年凡事馮翊駱異孫泰山彥之章渤海

李本誤文惠校後天

紀叔陽遂明天文二卷東平虞叔雅學

劉本誤文

絕高當世遂遊於蜀恭以朋友禮待之

後為上計劉本作椽椽會有司劾太尉龐參兼舉

茂才孝廉參性忠正亮直為貴戚所擯

以憲發病遠近稱寃恭不能耐其狂亢

疏表參忠直不當以讒倭佞傷毀忠正帝

悟即日召西曹椽問疾尋羊酒慰勞參

### 忠

士遊孝淳感物悟神姜詩字士遊雒人

也事母至孝母欲江水及鯉魚膾又不

劉本誤母

能獨食須隣母共之詩嘗供備子汲江

溺死秘言遺學不使母知於是有涌泉

出於舍側有江水之香朝朝出鯉魚二

頭供二母之膳其泉灌田六頃施及比

隣公孫述平後東精為賊掠害不敢入

詩里時大荒餓精致米肉與詩詩埋之

永平三年察孝廉明帝詔曰大學劉本作孝入朝

孝廉一切皆平之除江陽符長所居鄉  
皆為之立祠

少林陰德陽報是甄

王忱字少林

新都

人也遊學京師見客舍有一書生因病  
忱隱視奄忽便絕有金十斤忱以一斤  
買棺木九斤還要下壘埋之後為大度  
亭長大馬一疋來入亭中又有繡被一  
領飛隨其前人莫識者郡縣以昇忱後  
乘馬到雒縣馬牽忱入它舍主人問忱  
所由得馬忱具說其狀并及繡被主人

悵然曰卿何陰德而致此忱說昔理書

生事主人驚曰是我子也姓金名彥卿

乃葬之不報天彰卿德辟舉茂才除郡

令宿<sup>劉本作繁</sup>繁亭中數有人為鬼所煞忱上樓

夜半有女子稱冤曰妾涪令妻也當之

官宿此在為亭長所殺大小二十口埋

在樓下奪取財物忱曰汝何故以怕殺

人女子曰妾不得白日惟依夜愬人眠

不肯應恚故殺之初來時言無衣忱以

衣衣之言訖投衣而去旦召遊徼詰問具

服即收同謀十餘人殺之送洛令喪還  
郡里當世稱之

劉孝本作然

仲魚謙沖 羊晷字仲魚鄰人也父為交

州刺史卒官晷迎喪不敢取官舍一物

郡三察孝廉公府辟州別駕皆不應太

守尹奉劉孝本作棄刑名行禮樂請為功曹刺史

必欲借晷自佐不得已為別駕後為太

守孫寶蔡茂殺諷功曹當欲渡津津吏

滯停車待之三日將宿中亭中有縣吏

引車避之為野王令

雲卿安貧 朱倉字雲卿什邡人也受學

於蜀郡張寧食豆飲水以諷誦同業憐

其貧資給米肉終不受著河洛解家貧

怕以步行為郡功曹每察孝廉羞碌碌

詣公府試不就州辟治中從事以諷詠

自終

劉孝本作象

伯式玄照 折像字伯式雒人也其先張江

為武威太守封南陽折侯因氏焉父國

為鬱林太守家貲二億故奴姬八百人

盡散以施宗族卹贍親舊葬死吊喪事

折姓氏書作析

東平虞叔雅以道教授門人朋友自遠  
而至時人為諺曰折氏客誰朱雲卿段  
節英中有佃子趙仲平但說天文論五  
經

孟宗當仁味道好施清風邁倫 讚仲魚

已下也社真字孟宗綿竹人誦書百萬

李本作真高

言凡事翟酺酺免後尚書令與司隸校  
尉枉劾之復徵詣獄真上章救之受掠  
笞六百獄中明酺無事京師壯之以漢  
道微散財施宗族不應公州辟命及辭

長吏候迎每交於門乃斷髮以自絕

漢儒請雨精感慶雲 諒輔字漢儒新都

人為郡五官掾時天大旱請雨不降輔  
出禱祈乃積薪祝神曰不雨則欲自焚  
為貪叨吏謝罪百姓言終暴雨

韓揆義烈 韓揆字伯彥綿竹人也為令

錡裒主簿值黃巾賊入界扶裒走入草  
中裒遣求隱翳處未還裒為賊所得見  
害揆殯殮葬埋訖詣從事賈龍求兵討  
賊賊破曰本報令君而苟自活非忠乃

自然李本作殺

喬雲勇震 左喬雲綿竹人也少為左通  
所養為子通坐任徒徒逃吏欲破通臚  
通無壯子故為吏所侵喬雲時年十三  
喟然憤怒以銳刀李本作鏡煞吏解通將走令出  
追初聞以為壯士及知小兒為之流涕

楊寬證將烈播友人 寬字叔仲新都人  
父斌證令萬世太守役諷以忠義壯聞  
寬為郡吏鄉人馬閏章言太守王方寬  
與兄偕詣獄證之得理後方當遷南郡

閏復章之寬乃發閏臨私事閏伏罪友  
人汝錕為張明所煞寬怒縛明送錕家  
使自謝之也

甯甯叔執仇 甯叔字茂泰廣漢人與友人

張昌共受業太學昌為河南大豪呂條  
所煞叔煞條自拘河南獄順帝義而赦之  
張復師讎 張鉗字子安廣漢人也師事  
犍為謝裒裒死負土成墳三年裒子為  
人所煞鉗復其仇自拘武陽獄會赦免  
當世義之

賈為士死分俸虞朱 賈昶字元集什邡人也  
雒孟伯元為父復讎聞昶名往投之  
雒縣追伯元蹤昶歎曰士以義遇我豈可倍哉  
然雒縣必移什邡負我君乃自然李勝言之以方  
虞卿魯之朱家 郭玉通直蓋亦所脩 郭玉字直新都

人也明方術伎妙用針作經方頌說官至太醫丞校尉

爰迄劉氏司農含章爽朗翠劉李本作翠殺劉李本作殺觀國之光秦宓字子勅綿竹人也初隱遁不應州

郡之命丞相亮領益牧以選為別駕中郎將吳使張溫將反命亮率百官餞之

溫與宓語答問若響應毅辭義雅美溫大敬服以為蜀之有宓猶魯仲尼也遷

長水校尉司農宓甚有通理弟子譙周具傳其業

李王四子並作琳琅 李朝字永南第郡

字偉南鄴人也王士字義強李本誤強從弟甫字國山文表諸弟也先主領牧朝為別駕群

下上先主為漢中王其文朝所造也後

丞相亮府辟西曹掾亦有文才兄弟三人號三龍士歷宕渠捷為益州太守甫善言議關人流美稱自綿竹令為州右職

優遊容與特進太常 鍾承字公文鄴人

也歷郡守州右職為少府太常時費姜秉政孟光來敏皆棲遲承以和獨立特進之也

從事烈至諫君刎首 王累新都人也州牧璋從別駕張松計遣法正迎先主主

簿黃權諫不細累為從事以諫不入乃

劉本諫字在明不奇句上

自刎州門以明不可

鄭度進規忠謀莫受雖去天時抑由人咎

度綿竹人也先主自葭萌南攻說牧璋

與前劉牧志文畧同

曰左將軍懸軍襲我野穀是資急駟巴

西梓潼民內涪水以南一切燒除野穀固壘待之彼請戰不許久無所資不過百日必當回先主聞而惡之璋不納言雖在天亦由璋之愚

永年負不自喪世主 彭羨字永年廣漢

又有俊才劉璋時坐事為徒及先主入  
自託龐統為州右職失主意左遷江陽  
太守羨望怨諸葛亮以為心大志廣難可  
保勸先主因事誅之

漢南哽哽天奪其守 李邈字漢南邵凡  
也牧璋時為牛鞞長先主領牧為從事  
正旦命行酒得進見讓先主曰振威以  
將軍宗室肺腑委以討賊元功未効先  
寇而滅邈以將軍之取鄙州甚為不宜  
也先主曰知其不宜何以不助之邈曰

匪不敢也力不足耳有司將殺之諸葛  
亮為請得免久之為犍為太守丞相參

軍安漢將軍建興六年亮西征馬謖在  
前發續 李素無字亮將殺之邈諫以秦赦孟明用霸西

戎楚誅子玉二世不競失亮意還蜀十  
三年亮卒後主素服發哀三日邈上疏  
曰呂祿霍禹未必懷反叛之心孝宣不  
好為殺臣之君直以臣懼其偏主畏其  
威故姦萌生亮身材強兵狼顧虎視臣五  
大不在邊臣常危之今亮殞歿蓋宗族

得全西戎靜息大小為慶後主怒下獄  
誅之

誥 誥彥造或哲或友昭德音芳垂名厥後  
摠讚此四十六人也

述 廣漢人士  
劉宗漢同  
任母治內子成名賢 任安母姚氏也雍

穆 閨門早寡立義資安遂事大儒安教  
授每為賑卹其弟子以慰勉其志於是

安之門生益盈門

龐 行養姑婦師之先 龐行姜詩妻也事

姑晝夜紡績以給供養子汲江溺水死

秘言遣詣學常作冬夏衣投水中託言

寄與子詩呼妻使為姑舂應命遲見

劉宗漢無害

遣不敢遠去遊於外供給因隣母致姑

勅還

依依義舊抗疏邦庭誠感世主從女輟刑

義舊狄道長姜穆女綿竹司馬雅妻也

既許婚父坐事徙朔方雅就婚死崔人

送其喪尋父母死朔方義舊獨與弟孤

居十年士大夫求終不肯乃上疏自訟

求還鄉里天子愍悼下朔方使送遂下  
詔書定律令女已許嫁不得從父母從  
紀配斷指以章厥貞貞紀配廣漢殷氏女

廖伯妻也年十六適伯伯早亡已自有  
美色慮人求已作詩三章自誓心而求  
者猶象父母將許乃斷指明情養子猛

終義太守薛鴻圖象府庭

彭王進娥殘體令誠彭非廣漢王輔妻

也王和新都人便敬妻也李進娥鄴人  
馮季宰妻也輔早亡叔父欲改嫁非乃

詣太守五方截髮自誓敬亦早亡和養  
孤守義蜀郡何玉因媒介求之兄曉喻  
以公族可憑和恚割其一耳季宰亦早  
亡父母欲改嫁進娥亦剪髮自誓各養

子終義

正流自沉水潔正流廣漢李元女

楊文妻也適文有一男一女而文沒以

織履為業父欲改嫁乃自沉水中宗族

求之幾死得免太守五方為之圖象

相烏袁福義不存生相烏德陽人袁稚

妻也十五適稚二十稚亡無子父母欲改嫁之便自殺袁福亦德陽人王上妻也有二子上以喪親過哀死福哀感終身父母欲改嫁乃自殺

汝刺李本弄汝 洪氏世胄由婦謙柔 汝敦妻某敦兄弟

共居有父母時財婢心欲得妻勸送二兄敦盡讓田宅奴婢與兄自出居後敦耕得金一器妻復勸送二兄夫妻共往婢性恠嗇謂欲借貸甚不悅及見金踊躍兄感悟即出妻讓財還弟弟不受相

讓積年後並察孝廉世為冠族

李本無察字惠校知之

思媚烈媛美稱惟休摠讚十一人也

述廣漢烈女

右廣漢郡士女讚第三  
凡五十六人 四十一人女

劉本亦另頁刺起不與上接

捷為士女

李本作蔡

王延河平纂禹之功

王延世字長叔資

中人也建始五年河決東郡汜濫充豫

四郡三十二縣沒官民屋舍四萬所御

史大夫尹忠以不憂職致河決自煞漢

李本作殺

史案圖緯當有能循禹之功在捷柯之

李本作柯

資陽求之正得延世徵拜河堤謁者治

河以竹落長四丈大九圍夾小船載小

石治之三十六日隄防成帝嘉之改年

曰河平封延世關內侯拜光祿大夫乃

賜金百斤

劉李本無黃字

文百習禮繼武孫通 董鈞字文伯資中

人也少受業於鴻臚王臨永平初議天地宗廟郊祀儀禮鈞與太常定其制又定諸侯王喪禮歷城門校尉五官中郎將以儒學貴稱繼叔孫通

張公執憲克智克聰極位青紫寔作司空

皓張皓字叔明武陽人也以文聰明辟大

將軍掾遷尚書僕射彭城相進隱士閭

丘遷等徵拜廷尉延光三年安帝將廢

太子為濟陰王皓與太常相焉太僕來

歷爭之安帝不許及安帝崩濟陰得立

為順帝以皓為司空久之免後徵為廷

尉清河趙騰等坐謗劉本誤誣當誅所引八十

餘人皓以聖賢明義爭之咸稱平當

子鸞司京桴鼓不鳴 趙其字子鸞資中

人也初臨甘陵弘農郡甚善治民徵尚

書遷司隸校尉時梁冀子弟放恣旂以

法繩之不敢為非京師肅清桴鼓不鳴

孟文翹翹平顯有成 揚渙字孟文武陽

人也李本作博以清秀博雅歷臺郎相稍遷尚書中郎司隸校尉甚有嘉聲美稱

伯邛正直耀祖揚聲揚字伯邛漢安

縣人也初為郡守太尉李固薦準累世忠直

拜尚書太傅陳蕃表為河東入為尚

書令奏書治南陽太守曹麻潁川太守

曹騰濟南太守孫訓等子弟依託形勢

淫縱徵廷尉治罪訓梁異婦家子也於

是憚之又薦朱禹盛精滕延為尚書陸

稠為郡守皆名士也相帝劉李本並作即即位拜河南

尹遷司隸校尉真叔父梁忠為執金吾不朝正初劾奏之朝士服其公亮徙將作大匠

翁君將命迴播其名揚莽字翁君武陽

人為功曹刺史王尊當之州移書諸郡

不得遣迎惟捷為遣莽何霸已郡遣嚴

尊尊大怒莽前對曰使君不使奉迎謙

也太守承迎敬也謙敬上下之節不可

廢也尊乃欣請辟別駕舉茂才官至揚劉李本作揚

州刺史

與蜀郡何霸同字翁君

何霸上似脫蜀郡遣三字

奉君避世 費貽字奉君南安人也公孫  
述時漆身為厲佯狂避世述破為合浦  
守蜀中歌之曰節義至仁費奉君不仕  
亂世不避惡君脩身於蜀紀名亦足後  
世為大族

任公開明 任永字君業楚道人長歷  
數王莽時託青盲公孫述時累徵不詣  
子溺井中死見而不言妻淫於前面而  
不恠述平乃曰世適平日即清妻自煞况  
武徵之以年老不詣卒

叔和順終 杜撫字叔和資中人也少師

事薛漢治五經教授門生千人太守王

卿召為功曹司徒辟不及聞公免必往

承問東平憲王為驃騎將軍辟西曹掾

後罷為王師在驃騎府者遣之數年乃去

數應三公 劉季本無空位 徵撫侍送故公作詩通議

說弟子南陽馮良亦以道學徵聘

君橋密精 趙松字君橋武陽人為童子

數谷問費貽及知其避世密與周旋終

不露之也述平舉茂才為上黨太守

良似君卿南陽冠軍人

劉季本作掾

英英四子利於居身 讚費貽以下

皇漢劉奉先作也弛網官人失紀文紀蹇諤表明臧否

張網字文紀司空皓皓子也在漢朝公平

廉正權官側目憚之漢安元年以光祿

大夫持節與待中杜喬循行州郡考察

風俗出宮垣埋車先奏太尉相李本誤相焉司徒劉

壽尸祿素食不堪其職出城又奏司隸

校尉趙峻河南尹梁不疑汝南太守梁

乾等賊穢濁亂檻車送廷尉治罪天子

以乾梁冀叔父貶秩免峻等又奏魯相

寇儀儀自然威風大行郡縣莫不肅懼

還冀恨之出為廣陵太守承叛亂後懷

集撫卹甚有治化在官十年卒子續為尚

書續弟方為豫州牧子孫數世至大官

白虜狂僭亂離斯地孝仲繫馬社稷是死

朱遵字孝仲武陽人也公孫僭號遵為

捷為郡功曹領軍拒戰於六水門衆少

不敵乃埋車輪絆馬必死為述所煞光

武嘉之追贈復漢將軍郡縣為立祠

建侯弔梁効志知己 趙敦字建侯武陽

人也初為新都令德禮宣流三司及大將軍梁冀累辟終不詣冀辟書不絕後冀自煞使者監守不使人弔問敦獨往弔祭訖自拘有司天子赦之

叔通敦孝石生江沔 隗相字叔通楚道

劉本誤母下同

人也養母至孝母食欲江中正江水相冬夏汲之一朝有橫石生正流中哀帝世察孝廉平帝世為郎

吳生致養亦感靈祉 吳順字叔和楚道人  
人也事母至孝赤烏巢其門甘露降其

戶察孝廉永昌太守

劉后初載實多良才季休忠亮經事能治

楊洪字季休武陽人也先主領牧為部屬從事及征漢中丞相亮表為蜀郡太

守先生疾病永安召亮東行漢嘉太守

黃元反後主從其計克元封關内侯後

為中即將越騎尉清公亮甚信任之

劉李本有且字

德山耽學道以光時 伍梁字德山南安

人也儒學推尚州選迎牧諸葛亮為功

曹遷五官中郎將

劉李本無亮字

烈武作合度曠塗夷惜哉公舉帥直凌遲

費詩字公舉南安人也先生領牧為前

與前劉先志  
劉後主志文同

部司馬羣臣勸先主稱尊號詩上疏曰

殿下以曹操父子逼主篡盜故乃羈旅

劉李本作篡盜

萬里糾合士眾將以討賊今大敵未剋

而先自立恐人心疑惑昔高祖獲子嬰

猶尚推讓况未出門便欲自立耶以是

左遷部永昌從事建興三年從丞相亮

南征魏將季鴻來降說魏新城太守孟

達欲背魏向蜀亮方北面欲招達為外

援欲與書詩進曰孟達小子昔事振威

不忠後事先帝背叛反覆之人何足與

書也亮嘿然詩終劉氏之世官位不盡

其才君子以昭烈之弘曠武侯之明達

詩吐直言猶尚凌遲况庸主昏世帥意

直言而望肆効者哉

文然簡略不從詭隨 楊義字文然武陽

義字文然

劉本誤簿

人也輔漢將軍張裔薦為丞相亮主簿

大司馬蔣琬辟東曹掾歷二郡太守為

射聲校尉性簡略未曾以甘言加人酒

後言笑多慢詞失大將軍姜維意為維所廢延熙十八年作季漢輔臣讚在蜀書

車騎快快與國安危 張翼字伯恭文紀

孫也以文武才幹歷征西鎮南大將軍

封亭侯延熙十八年與大將軍姜維西

征大破魏雍州刺史王經於狄道經象

死洮水者數萬人維欲進翼諫不可必

進無功時維屢出隴西翼常庭爭以國

小不宜黷武必為虵盡足不聽不得已

與前劉後志  
文畧同

每快快從行景耀元年遷左車騎將軍領冀州刺史蜀平後死

猗猗衆偉芳烈名垂方德繹勳捷之瓊瑰

述捷為人士

進楊穆穆先姑是憲 進武陽楊氏女大

匠廣漢王堂長子博妻也博後母文有

母儀之德進楊則其教為行閨門雍穆

样柯太守李禕家亦假係每不和歎恨

徒富貴學問不及博家也

陽姬請父厥族蒙授克諧內愛訓及秀彥

大娥六捷為人見清  
河傳慶傳

李本作穆下同

李本誤博下同

劉本誤母下同

李本作柯

姬武陽人也生自寒微父劉李本亦空字坐事閉獄

楊劉李本作渙下同渙始為尚書郎告歸郡縣敬重之姬

為處女乃邀道扣渙馬訟父罪言辭慷慨

涕泣渙懇告郡縣為出其父因奇其

才為子文方聘之結婚大族二弟得仕

官宣劉李本作宣下同遂世為官門後文方為漢中太守以趙

宣為賢將察孝廉宣封未定病卒姬秘

不發先遣孝廉上道乃發喪宣得進用

姬之力也後文方兄子伯邳為司隸校尉

時姬長子穎伯異州刺史仲子煩二千

石伯邳以稟叔母教迎在官舍每教邳

政治伯邳欲舉茂才選有二人伯邳欲用

老者嫌以其耄欲舉五方而其年幼以

咨叔母勸舉方後趙宣為捷李本誤捷為五方為

廣漢姬尚在故吏之敬敬四時承問不絕

周度割體貞節是本周度劉李本無空位楚道人也相

登妻十九登亡中年令吳厚因人

求之斷髮以誓志後人猶欲求之乃割

其鼻養子早亡其妻左亦年十九遂俱

守義世感歎婦姑之貞貞專其節操也

敬姬沉淵誠烈邈然 曹敬姬南安人也

周紀之妻十七出適十九紀亡遺生子

元餘服闋父母以許孫賓詒母病迎還

知之自投水人赴之氣已絕一日一夜

乃蘇息送依紀弟居訓導元餘號為女

學士年九十卒

原無女字 劉季本有

貞玦王操彌久彌刊 貞玦字瓊玉牛鞞

程氏女張惟妻也十九適惟未暮惟亡

無子養兄子悅供養舅姑夙夜不怠資

中玉冲欲娶玦玦叔父肱荅以女志不

劉季本作玉

可奪冲為太守李嚴督郵嚴記縣遣孝

義掾奉羔鴈宣太守命聘之玦乃自投

水掾援不死後太守蘇高為立表太守

蜀郡關關遣仁恕掾論曰貞玦太守章

陵劉威又為作頌故稱述也

韓姜自財后旌其寃 韓姜楚人尹仲讓

妻也二十讓亡服除資中董臺因從事

王為表弟求姜不許臺門生左習王蘇

以為姜可奪教姜家言母病迎還韓氏

因逼成婚姜聞故自殺太守巴郡龔楊

劉季本有道字

哀之煞李本作殺習蘇以報姜死

謝姬引决同問穴齋定劉李本作定姬南安人武陽儀

成妻也成死以已年壯無子將葬乃預

作殯殮具毒藥須夫棺入墓拊棺吞藥

而死遂同葬縣以表郡郡言州州上尚

書天子咨嗟下書每夫赦賜家帛四疋

蜀穀二石

媛姜疋婦勉夫濟子授命固固義踰國士劉李誤十

趙媛姜資中劉李本無空位盛道妻也建安五年道

坐過夫婦閉獄子翔方年五歲姜謂道

曰官有常刑君不得已矣妾在後何益

君門戶君可同翔亡命妾代君死可得

繼君宗廟道依違數日姜若言勸之遂

解脫給衣糧使去代為應對度走遠乃

告吏殺之後遇赦父子得還道雖仕官劉李本作宦

當世痛感終不更娶翔亦不仕耳李本無耳字

黃帛求喪况身沉中流靈精相感攜夫共浮

黃帛李本作二熨道人張貞妻也貞受易於韓子

方去家三十里劉李本亦誤舡舡覆死貞弟求喪經月

不得帛乃自往沒處躬訪不得遂自投

水中大小驚睨積十四日持夫手浮出  
時人為語曰符有先終翹道帛求其夫  
天下無有其偶縣長韓子冉嘉之召帛  
子幸之為縣股肱

烈哉諸媛節稱義遵叙之讚此九女也

述捷為烈女

右捷為士女讚第四

凡三十人 二十一人士  
九人女

華陽國志卷十中

華陽國志卷十下 漢中士女

鄭真岳 李本作嶽 時確乎其清 鄭子真褒中人也

玄靜守道履至德之行乃其人也教曰

忠孝愛敬天下之至行也神中五徵帝

王之要道也成帝元舅大將軍王鳳備

禮聘之不應家谷口世號谷口子真亡

漢中與立祠 李本小注在書頭  
神中五徵未詳其義

衛梁泥盤玄湛淵亭 劉李本作淳 衛衡字伯梁南鄭

人也少師事隱士同郡樊季齊以高行

聞郡九察孝廉公府州十辟公車三徵

漢中梓潼士女讚明刻本注存而讚亡

不應董扶任安從洛還過見之曰京師  
天下之市朝也足下猶之人耳幸其在  
遠以虛名屢勸徵書若至中國則價盡  
矣衡笑曰時有儉易道有汙隆若樊季  
齊楊仲桓雖應徵聘何益於時乎苟無  
所則屈軻恹恹是以君平子真不屈其  
志豈予之徒也哉吾何虛假之有安扶  
服之訖其言也

鄧公方到忠枉原情

鄧公成固人也景

帝時御史大夫晁錯患諸侯強大建議

減削會吳楚七國謀反假言誅錯故吳  
相袁盎譖帝殺之拜盎太常使赦七國  
七國遂叛鄧公為謁者入言軍事問曰  
七國聞晁錯死罷兵不對曰吳王即山  
鑄錢煮海為鹽謀反積數十年錯患之  
故欲削弱為萬世策諸侯憂之計畫始  
行身死東市諸侯莫憚內杜忠臣之口  
外為諸侯報怨臣竊為陛下不取也帝  
歎息曰吾亦恨之武帝初為九卿  
博望致遠西南來庭張騫成固人也為

人强大有謀能涉遠為武帝開西域五十  
三國窮河源南至絕遠之國拜校尉從  
討匈奴有功遷衛尉封博望侯於是廣漢  
緣邊之地通西南之塞李本亦誤也豐絕遠之貨令  
帝無求不得無思不服至今方外開通  
騫之功也

子游師生讒巧所傾 張猛字子游騫孫

也師事光祿勳周堪以光祿大夫給事  
中侍元帝帝當廟祭濟渭欲御樓船御  
史大夫薛廣德當車免冠乞頸血汚車

輪陛下不得廟祭矣帝以不悅猛進曰

主聖則臣直今乘劉本亦誤也舡危就橋安聖主不

乘危故大夫言之帝曰曉人不當如是

也後與周堪俱以忠正為幸臣弘恭石

顯所譖毀乍出乍徵堪平和猛卒自殺

王孫養性矯葬厲生 楊王孫成固人也

治黃老家累千金厚自奉養臨終告其

子曰我死裸葬以復吾真但為布囊盛

尸入地七尺李本誤本應校改尺既下從足脫之以身親土

其子不忍見王孫友人祁侯諫之王孫

曰厚葬無益死者也夫俾財送死今日

入明日發此真無異暴骸中原裹以幣

帛隔以棺槨吟以珠玉後腐朽乃得歸

土不可故吾欲早就真宅初侯無以易

卒鰥葬如其言

司徒監使術暢思精屢登上司七政是經

季郤字孟節南鄭人也少明經術為郡

候吏和帝遣使者二人微行至蜀宿郤

候舍郤為出酒夜飲露坐郤問曰君來

時寧知二使何日發來耶二人恠問之

郤指星言曰有二使星入益部後一人

為漢中太守命為功曹察孝遂馳名為

尚書郎徙左丞稍遷至尚書僕射尚書

令拜司空又進司徒清公直亮當世稱

名順帝世薨

炎精不頽朱明不揚太尉謬謬任國拔荒

濯日暘谷將外扶桑惡直醜正漢道遂喪

李固字子堅郤子也陽嘉三年以對策

忠亢拜議郎大將軍梁商后父也表為

從事中郎授荊州刺史值州部有亂至

劉李本作殫

劉李本作舍

劉李本作朽

吳何本誤侯下同

劉李誤微

劉李本作牧

李本作元

劉李本有其字

州先友賢者南陽鄭叔躬宋孝節零

陵支宣雅表薦長沙桂陽太守趙歷卒

已奏免江夏南郡太守孔疇高賜為昆李本注在書頭

等州土自然安靜徙太山太守克寧盜

賊入為將作大匠多致海內名士南陽

樊英江夏黃瓊廣漢楊厚會稽賀純光

祿周舉侍中杜喬陳留楊倫河南尹存

東平王惲陳國何臨清河房植等皆蒙

徵聘轉大司農順帝崩太后臨朝拜太

尉李本誤後與后弟大將軍梁冀太傅趙峻並錄

尚書冲帝崩時徐揚有盜賊太后欲不

劉李本作揚

發喪須召諸王至固爭不可言國家多

難宜立長君太后欲專權乃立樂安王

為質帝質帝崩太后復與梁冀謀所立

固與司徒南郡胡廣司空蜀郡趙戒書

與冀引周勃霍光立文宣以安漢之策

劉李本作固

閻鄧廢立之禍言國統三絕期運厄會

興崩之漸在斯一舉宜求賢王親近不

劉李本作寢

可寢嘿也冀得書召公卿列侯議所立

三公及鴻臚杜喬兪舉清河王蒜冀然

之奏御太后中常侍曹騰私恨蒜說冀  
明日更議廣戒從冀固與喬必爭蒜宜  
立中興才也且年長識義必有厚將軍  
冀不聽策免固喬歲餘取下獄以無事  
出之京師市邑皆稱千萬歲冀惡其為  
人所善更奏繫之固書與二公曰吾欲  
扶持漢室使之比隆文宣何圖梁將軍  
迷謬諸子曲從以吉物為凶成事為敗  
漢家衰微從是始矣將軍亦有不利吾  
雖死上不慙於天下不愧於人求義得

義死復何恨遂自然二公得書歎息流  
涕士民咸哀哭之相帝無道冀尋受誅

漢家遂微政在閹官無不思固也

元

脩躬重威惠寔亮

張亮則字元修南鄭

劉李本作修下同

李本作柯

亮字則吳桐李本亦有

人也為祥柯太守威著南土永昌越嵩  
夷謀欲反畏則換臨其郡相諫而止號  
曰卧虎以成狄勳遷護羌校尉徵徵拜  
扶風又換臨桂陽皆平盜賊巴郡板楯  
反拜隆集校尉鎮漢中徙梁州刺史又  
為魏郡太守所在稱治靈帝崩後大將

劉李作又

軍袁紹表為長史不就丞相曹公拜度  
遼將軍

子雅溫恭見察文方 趙宣字子雅南鄭人也出自寒微以溫良博雅太守掾為  
李本在博  
楊文方深器異之遂察孝廉官至掾為  
太守

二珪琬琰三辰懸望 趙瑤字元珪琰字

雅珪凡七兄弟宣子也皆以令德著聞  
瑤少有公望瑤始為緱氏表趙二公相  
與書曰趙瑤在緱氏猛虎歸迹百里均

耳叔平何難遷扶風太守徙蜀郡司空  
張溫謂之曰昔第五伯魚徙蜀郡為司空  
劉本作五  
掃吾第以待足下矣瑤曰諾尋換廣漢  
卒琬始為青州刺史部下清肅徙梁相  
徵拜尚書不就卒

仲卿報友行義以理 陳綱字仲卿成固  
人也少與同郡張宗受學南陽以母喪  
劉本誤母  
歸宗為安眾劉元所煞綱免喪往復之  
值元醉卧還須醒乃煞之自拘有司會  
赦免三府並辟舉茂才拜弘農太守初

至有兄弟自相責引退是後無訟者在  
官九年卒天子痛惜賜家錢四十萬  
伯度玄鏡榮辱已 李法字伯度南鄭

人也相帝時為侍中光祿大夫數充表  
官官忝盛椒房泰重史官記事無實錄  
之才度相褒述必為後矣帝怒免為庶  
人恬然以咎失為己責久之徵拜汝南

太守遷司隸校尉湛然無自得之容

德公在林懸象垂晷既冲雲清荀張儀准

李燮字德公太尉固子也父死時二兄

劉李有少字

劉李本有少注憲公李公四字

李本作姊

亦死燮為姊所遣隨父門生王成亡命  
徐州傭酒家酒家知非常人以女妻之

延熹二年梁冀誅後月經陽道暈五車

史官上書昔有大星升漢而西捲舌揚

芒迫月熒惑犯帝坐則有大臣枉誅星

在西方太尉固應之今暈如之宜有赦

命錄其遺嗣以除此異於是下赦燮得

返舊四府並辟公車徵議郎與趙元珪

劉李本有少注憲公李公四字

穎川賈偉節荀慈明張伯慎為友伯慎

為穎川太守與慈明交相言論偉節與

為京師以為臧否伯慎問趙元珪曰德  
公所言何元珪曰無言也伯慎追嘆曰  
當如德公兒輩徒靡沸耳慈明亦寤而  
心變拜東平相國王為黃巾所沒得出  
天子復封之燮以為不可果敗遷京兆  
尹時人為之語曰李德公父原作甫不欲立帝  
子不欲立王

伯臺處諫師言亢盡末命防萌妙觀立撥

陳雅字伯臺成固人也靈帝時為諫大  
夫閣官用事上疏曰昔孝和帝與中常

為本作官

侍鄭衆謀誅大將軍竇憲由是宦官秉  
權安帝幼冲和熹太后兄大將軍鄧騭

輔政太后適崩中常侍江京等殺騭安

帝登遐黃門孫程劉孝本誤皇又殺車騎將軍閣顯

孝和帝又與中常侍單超等共誅大將

吳何本誤起

軍梁冀陛下即祚太傅陳蕃大將軍竇  
武尚書令尹勲等欲誅宦官絕其奸權  
盡忠王室建萬世策機事不密為中常  
侍朱瑀等所殺此即陛下所見今宦官  
強盛威傾人主天下鉗口莫敢言者海

內怨望妖孽並作四方兵起萬姓辛苦  
陛下尚可以安奈後嗣何帝不省納出  
為巴郡太守年七十五卒臨終戒其子  
曰期運推之天下將大亂雄夫立爭無  
以貨財為意吾亡依山薄葬亡歲餘靈  
帝崩大將軍何進復為黃門所殺海內  
果亂終成三國也

孟度邵允 閻憲字孟度成固人也名知  
人為綿竹令以禮讓為化民莫敢犯男  
子杜成夜行得遺物一囊中有錦二十

五疋求其主還之曰縣有明君何敢負  
其化童謠歌曰閻尹賦政既明且昶去  
苛去辟動以禮讓遷蜀郡吏民泣涕送  
之以千數

季子英瑋 李本作偉 李歷字季子太尉固從弟也

少脩文學性行清白與鄭康成陳元方  
齊名弱冠拜新城令朝請都督

計君經筭 劉李本作等 程苞字元道南鄭人也光

和二年上計史時巴郡板楯反軍旅數起  
征伐頻天子患之訪問益州計考以方

視前巴志文為異

略苞對言板楯忠勇立功先漢為帝義  
民羌入漢中輒蒙其力東征南戰世有  
功勞由不料卹以致叛亂非有僭盜能  
相尋殺兵臨之未必卒得不如但選明  
能太守恩信懷服自然安定矣天子從  
之卒如其言後在道卒

元靈斐斐

祝龜字元靈南鄭人也年十

劉李本作穎吳何本誤隸

李本作博

五遠學汝穎及太學通博蕩達能屬文  
太守張府君奇之曰吾見海內士多矣無  
如祝龜者也州牧劉焉辟之不得已行

授茂萌長撰漢中耆舊傳以著述終

禮高殉名

段崇字禮高南鄭人也太守

李本作塵下同

河間鄭塵命為主簿永初四年涼州羌  
反溢入漢中從塵也褒中虜東攻塵欲  
戰崇諫不可願固壘待之塵不聽出戰  
敗績崇與門下吏王宗原展及子勃兄  
子伯生推鋒死戰衆寡不敵崇等皆死  
羌遂得塵殺之

伯義死節

程信字伯義南鄭人也時為

功曹守居馳來赴難殞殮塵喪送還鄉

李本作塵

里訖乃結故吏冠蓋于第二十五人言  
共報羌各募敢死士以待時太守鄧成  
命信為五官元初二年虜復來信等將  
其同志率先奮計大破之信被八創死  
天子咨嗟元初五年下詔書賜信崇家  
穀數千斛

四行齊致在茲六子

讚閣憲已下也又

吳何本刪此八字而以有王宗接上段為一

有王宗原展及嚴尊李容姜濟陳已曹  
廉勾矩劉旌九人皆以令義為鄭廩所  
命王宗原展與廩同死李容等七人與

李本作廩

信共并命詔書既賜崇信家又賜九子  
家穀各五百斛給死事復

元侯趙陳蓋亦烈士燕邠字元侯趙嵩

字伯高南鄭人也陳調字元化仲卿孫

李本誤欲惠校改卻

也邠為刺史卻儉從事使在葭萌與從  
事董馥張脩同行儉為黃巾賊王饒趙  
播等所殺邠聞故哀慟說馥脩赴難二  
子不可邠難曰使君已死用生何為獨  
死之收劉焉嘉之為圖象學官誅馥等  
嵩事太守蘇固固為米賊張脩所疾殺

朱竹均曰案文難曰當作歎曰

劉吳何李本誤言

嵩痛之杖劔直入脩營殺十餘人幾獲  
脩死陳調少尚遊俠聞固死聚賓客百  
餘人攻脩大破之進攻脩營乃與戰以  
傷死

渙渙龍宗振振麟趾文炳彬蔚漢之表軌

劉李未誤接寫不空格  
摠讚三十五人也

述漢中人士 其陳術字申伯作者舊傳者

也失其行事歷新城魏興上庸 三郡太  
守及錫光等不列也

穆姜溫仁化繼為親 穆姜安衆令程祇

妻司隸校尉李法姊也祇前妻有四子  
興躬親豫穆姜生二子淮基祇亡興等  
憎惡姜姜視之愈厚其資給六子以長  
幼為差衣服飲食凡百如之久興等感

李未誤接  
寤自知失子道詣南鄭獄受不愛親罪

太守嘉之復除門戶常以二月八月社  
致肉三十斤酒米各二斛六斛六子相  
化皆作令士五人州郡察舉基字稚  
業特雋逸為南郡太守

泰瑛嚴明世範厥訓 泰瑛南鄭楊拒妻

大鴻臚劉巨公女也。有四男二女。拒亡

教訓六子。動有法矩。長子元珍。出行醉

劉本誤母誤下

母十日不見之。曰：我在汝尚如此。我亡

何以帥羣弟子元珍叩頭謝過。次子仲

珍白母請客。既至無賢者。母怒責之。仲

珍乃革行交友。賢人兄弟為名士。泰瑛

之教流於三世。四子才官。隆於先人。故

時人為語曰：三苗止四珍復起。

杜氏之教。父母是遵。杜泰姬南鄭人。趙

劉本何李本作妻

宣女也。生七男七女。若元珪。稚珪。有望

五人。皆令德。其教男也。曰：中人情性可

劉李本作檢下同

上下也。在其檢耳。若放而不檢。則入惡

也。昔西門豹佩帶以自寬。宓子賤帶弦

以自急。故能改身之怕。為天下名士。戒

諸女及婦曰：吾之隻身在乎正順。及其

生也。恩存於撫愛。其長之也。威儀以先

劉本符本作貌

後之體。負以左右之恭敬。以監臨之。慙

恪以勸之。孝順以內之。忠信以發之。是

以皆成。而無不善。汝曹庶幾勿忘吾法

也。後七子皆辟命。察舉牧州守郡。而漢

中太守南鄭令多與七子同歲季考上  
訂無不脩也泰姬執子孫禮

禮珪肅穆言存典韻 禮珪成固陳省妻

也楊元珍之女生二男長娶張度遼女

惠英少娶荀氏皆貴家豪富從婢七八

資財自富禮珪勅二婦曰吾先姑母師

也常言聖賢必勞民者使之思善不勞

則逸逸則不才吾家不為貧也所以粗

食急務者使知苦難備獨居時二婦再

拜奉教從孫奉上微慢珪抑絕之感悟

革行遭亂流行宗表欲見之必自嚴飭

從子孫侍婢乃引見之曰此先姑法也

四時祭禮自親養牲釀酒曰夫祭禮之

尊也年八十九卒惠英亦有淑訓母師

之行者也

文姬獻敏宗祀獲歆 文姬南鄭趙伯英

妻太尉李固女也父為梁冀所免兄憲公

季公罷官歸文姬歎曰李氏滅矣乃與

二兄議匿弟燮父門生王成亡命徐州

涕泣送之謂成曰託君以六尺之孤若

朱竹均曰徒成別本作從成

李氏得嗣君之名義參於程杵矣久之  
遇赦熨得還行喪服闋勅之曰先公為

漢忠臣雖死之日猶生之年梁冀以族

第幸得濟豈非天乎慎勿有一言加梁氏

加梁氏則連主上劉吳何李本無空位是又掇禍也奉行

之徒成在徐州各異處傭賃而私相往

來成病亡燮四時祭之

陳氏二謙或智或仁 陳順謙成固人也

順謙適節令曹寧十九寡居長育遺孤

八十餘卒兄子陳規著書歎述之惠謙

適張亮則在扶風官下吏白欲重禁嚴防

以肅非元脩訪於惠謙惠謙曰恢弘德

教養廉免恥五刑三千益亦多矣又何

加也兄子伯思學仙道惠謙戒之曰君

子疾沒世名不稱不患年不長也且夫

神仙愚惑如繫風捕影非可得也伯思

乃止陳伯臺稱去女尚書之後耳

禮脩順姑恩愛溫潤 禮脩趙嵩妻張氏

女也姑酷惡無道遇之不以禮脩終無

愠色及寧父母父母問之但引咎不道姑

劉李本作修下同

李本誤如惠校改姑

劉李本作修

李本作師惠校改思

劉吳何李本作云

劉李誤私

李本作寤

卒感寤更慈愛之鄉人相訓曰作婦不

當如趙伯高婦乎使惡姑知變可謂婦

師矣後姑病女來省疾姑却之曰我以

固當絕于賢婦手中後遭米賊嵩死乃

碧塗面亂首懷刀託言病賊不逼也養

遺生女依父叔立義終身者也

樹南悼夫輕死重信 韓樹南南鄭人趙子

賤妻也子賤初為郡功曹李固之誅詔

書下即殺固二子憲公季公太守知其

枉遇之甚寬二子託服藥死具棺器欲

劉本作勃

因出逃子賤畏法勃更驗實就然之及

固小子變得還子賤慮變報仇賃人刺

之變覺告郡然子賤初樹南諫子賤子

賤不從及臨死許共并命兄弟媿侍婢

視守之經百餘日乃急白凡媿念一死

萬不得生不敢復圖死也上下以為信

然無幾時於幕下自煞

祁祁令姬如玉如金允笑淑媛齊德姜任

摠讚此九人也

述漢中列女

劉本設接屬不虛格

李本作姪

右漢中士女讚第五

凡四十四人劉本誤凡  
劉本誤凡士九人女

劉本誤凡

劉本誤凡

梓潼人士

劉本誤凡

劉本誤凡

鎮遠斯壯立勲南瀕

文瀕字子奇梓潼

視前南中志文為詳

人也孝平帝末以城門校尉為犍為屬

國遷益州太守造開稻田民咸賴之公

孫述時拒郡不服述拘其妻子許以公

侯招之不應乃遣使由交趾貢獻河北

述平世祖嘉之徵拜鎮遠將軍封成義侯

南中咸為立祠子忱有令德為北海太

守

巨遊玉碎高風金振

李業字巨遊梓潼

劉本誤凡

劉本誤凡

人也少執志清白太守劉咸慕其名召  
為功曹不詣咸怒欲煞之業徑入獄咸  
釋之公孫述累聘不應述怒遣鴻臚尹  
融持毒藥酒逼之業笑曰名不可毀身  
可煞不可辱也遂飲藥死述恥煞善士  
賜錢百萬子暈逃匿不受建武中察孝  
廉為遂以令

文堅亟哉南面懷民景毅字文堅梓潼  
人也太守丁羽察舉孝廉司徒舉治劇  
為沈陽侯相高陵令立文學以禮讓化

民遷太守上封吏守闕請之三年不絕  
以子願師事少府李膺膺誅自免久之  
拜成都令遷益州太守上封吏民涕泣

原本成字闕劉是荷李本有成字

送之至沮者七百人白水縣者三百人

值益州亂後采蚪千錢毅至恩化暢洽

劉是荷李本並作縣呂何本則書字

比去米蚪八錢鳩鳥巢其聽事孕育而

去三府表薦徵拜議郎自免歸州牧劉

劉本作勅

焉表拜都尉為人廉正疾淫祠勅子孫

劉本表下空一格

惟脩善為禱仁義為福年八十一而卒

盛國好學研蹟聖真楊充字盛國梓潼

人也少好學求師遂業受古學於扶風  
馬季長呂叔公南陽朱明叔穎川白仲  
職精究七經其朋友則穎川荀慈明季  
元禮京兆羅叔景漢陽孫子夏山陽王  
叔茂皆海內名士還以教授州里常言  
圖緯空說去事希略疑非聖不以為教  
察孝廉為郎卒

漢伯肄業諸生之純 景鸞字漢伯梓潼

人也少與廣漢却伯宗蜀郡任叔本穎

川李仲勃海孟元叔遊學七州遂明經

術還乃撰禮略河洛交集風角雜書月

令章句凡五十萬言太守闕關既命為功

曹察孝廉舉有道博士徵不詣然上陳

時政言經得失又戒子孫人紀之禮及

遺令期死葬不設衣衿務在節儉甚有

法度卒終布衣

伯僖効志 張壽字伯僖涪人也少給縣

丞楊放為佐放為梁賊所得壽求之積

六年始知其生存乃賣家鹽并得三十

萬市馬五疋往贖放道為羌所劫掠盡

李本楊字闕字格 吳何本為佐二字作家字

李本誤傳

劉李本闕字作正文吳何本無闕字字空一格

劉李本不作衿何本作襟

還似遷字

凡往三年計道遠不可得數乃單身詣虜涕泣自說虜哀其屢求遣放還鄉郡召為中候詔書除丞尉以身佩印盡讓所有財物與三弟復為郡掾章平賦役歲出三百五十萬還功曹吏徙五官掾

卒

李餘殘身李餘涪人父早世兄夷然人亡命母慎當死餘年十三問人曰兄弟相代能免母不人曰趣得一人耳餘乃詣吏乞代母死吏以餘年小不許餘因

自死吏以白令令哀傷言即即上尚書天子與以財葬圖書府廷

寇王二子行勇以仁寇祺字宰朝梓潼

人也與邑子侯萸俱學涼州萸後為勃

海王象所然祺杖劍至象家值象病

象謝曰君子不掩人無備安有為友報

讎然病人也祺乃還久之復往然象由

是察孝廉為灞陵令濟陰相王晏字叔

博涪人也與廣漢張昌甯叔受業太學

昌為河南呂條所然晏叔然條事在叔

甯叔見廣漢士女

何本誤衣

劉吳何本作來

劉吳何李本還鄉作隨遷

劉李本作錄

劉吳何李本作遷

劉吳何李本作吏

何本作幣

劉李本作庭

李本注在書頭

童人李餘涪人可考於先漢士女目篇

劉吳何本接屬無字格

霸劉吳何本作灞

吳何本提行

李本作博

李本誤灞

劉李本作大

郭玉亦見廣漢士女

解

李助多方以茲立稱 助字翁君涪人也

通名方技醫術作經方頌說名齊郭玉  
李本無此四字  
自此以上以下闕文義不可曉不錄

劉本無此行

章武之興亦迪才倫德賢好古澹心藝文

李仁字德賢涪人也益部多貴今文而

不崇章句仁知其不博李本作博乃游學荊州從

司馬德操宋仲子受古學以脩文自終

也

國輔皓然形動神沉 杜微字國輔涪人

也任安弟子先主定蜀常稱龔闔門不

出建興二年丞相亮領州牧選為主簿

與而致之亮引見與書誘勸欲使以德

輔時微固辭疾篤亮表拜諫大夫從其

所志

思潛遊學休志素林 尹默字思潛涪人

也少與李仁俱受學司馬微宋忠等博

通五經專精左氏春秋自劉歆條例鄭

衆賈逵父子陳元方服虔注說略皆誦

蜀志注宋仲子名忠見魏略

李本作博下同

述希復案本以左傳授後主後主立拜  
三國志作不  
耳 諫議大夫丞相軍祭酒子宗亦為博士

欽仲朗博訓詁典墳 李謨字欽仲仁子  
也少受父業又講問尹默自五經四部  
百家諸子伎藝算計卜數醫術巧弩機  
械之巧皆致思焉為太子中庶子右中郎  
將著古文周易尚書毛詩三禮左氏注  
解太玄指依則賈馬異於鄭玄與王肅  
蜀志李謨傳有歸字  
初不相見而意歸多同

孫德果銳作劉幹臣 李福字孫德涪人  
也先主初為成都令建興九年遷巴西  
太守後為江州都督揚武將軍入為尚  
書僕射封平陽亭侯延熙初以前監軍  
司馬福同郡梓潼文恭仲寶亦以才幹  
為牧亮治中從事丞相叅軍  
行術偉彥玉潤蘭芬李本作劬邵名表器江漢之俊  
劉李本誤接編不空格  
摠讚十五人也

述梓潼人士

季姜雍穆化播二婦王氏世興寔由賢母

案後目錄堂即敬伯之名也  
季姜名極

袞當作表說文袞書衣也

季姜梓潼文氏女將作大匠廣漢王勃  
伯夫人也少讀詩禮勃伯前夫人有子  
博女紀流二人季姜生康稚芝女始示  
允前後八子撫育恩愛親繼若一堂祖  
母性嚴子孫雖見官二千石猶杖之婦  
跪受罰於堂歷五郡祖母隨之官後以  
年老不願遠鄉里姜亦常侍養左右紀  
流出適分已侍婢給之博好寫書姜手為  
作袞於是內門相化動行推讓博妻捷  
為楊進及博子遵婦蜀郡張叔紀服姑

劉李本作表

劉其何本作號

劉本作勃

之教皆有賢訓号之三母堂亡姜勅康  
稚芝婦事楊進如舅姑中外則之皆成

李本作一

劉其何本作藥

令德季姜年八十一卒四男弃官行服  
四女亦從官舍交赴內外冠冕百有餘  
人當時榮之王氏遂世興

李本作與惠校改興

劉本誤與

杜慈專專父不諒只涪杜季女者巴郡

虞顯妻也十八適顯顯亡無子季欲改  
嫁與同縣楊上慈曰受命虞氏虞氏早  
亡妾之不幸當生事賢姑死就養成室  
存亡等但欲在終供養亡不有恨願不

易圖季知不可告而奪也乃家謀與強  
逼迫之慈縊而死

訖楊雪讎壯踰烈士 訖楊浩郭孟妻楊

文之女也始生失母八歲父為闕盛所

殺無宗親依外祖鄭行年十七適孟孟

與盛有舊盛數往來孟家訖揚涕泣謂

孟曰盛凶惡薄命為女無男昆惡讎未

報未嘗一日忘也雖婦人拘制然父子

恩深恐卒狂惑益君禍患君宜疎之孟

以告盛盛不納安漢元年盛至孟家訖

李本作殺下同

楊以大杖打煞盛將自然孟止之與俱

逃涪令雙勝出追聞其故而止安尉二

李本作慰

門會赦得免中平四年涪令向遵為立

圖表之

惟茲三媛仁暢義理邦有斯嬪以馳遐紀

劉李本誤接編不空格

摠讚三人

劉李本作列

述梓潼烈女

右梓潼郡士女讚第六

凡士女十八人 三十五人 士女

譔曰二州人士自漢及魏二百四十八人

而已一百九十七人後賢二十人合二百六十  
 八人以示來世之君子焉如其遺脫及後  
 世可書者願貽後儒又春秋穀梁傳首叙  
 曰成帝時議立三傳李本作傳博士李本作晉巴郡李本作晉君安獨  
 駁左傳不祖聖人後漢時魏郡太守王牧  
 薦尹方為三公天子詔尚書郎蜀郡張俊  
 策之然不詳其行事

謾曰二州人士自漢及魏可謂衆矣何者  
 世宗多士則楊相如麟遊伯司鳳翔洛下雲  
 翳叔文龍驤在孝宣則王褒蔚炳中和作

益州梁州

詠屬文甘泉苑為世鏡在元成則君公謇  
 謇李本作莊心思國病慮經劉危直忤王聽其高者  
 則嚴君味道易俗移風仲元端委居為人  
 宗若夫秉心塞淵與物盈冲則李本作揚揚子雲也  
 名重泰山華夏仰崇則鄭子真也不屈其  
 身志高青雲則譙玄也不恥惡君混道推  
 運則揚宣也降及建武明章以來出者則

運字協韻讀平聲

能內貫朝揆外播五教贊和鼎味經綸治  
 要上荅太階下允民照處者則利居槃柘  
 皓然玄蹈天爵翫之人爵則峻懸車門肆

夷惠齊紹若斯之倫海內服其英名洙泗  
劉吳何本作煥方其煥耀矣故曰漢徵八士蜀出其四又  
 曰漢具四義蜀選其二可謂不衆乎然巴  
劉吳何本作晉郡晉君安以儒學典雅稱於孝成蜀郡張  
 俊策問尹方不出五經常議捷焉呂孟有  
 託孤之節若茲之類郡邑往往垂象刊銘  
 見有苗裔瓌晚生長亂故老以沒莫所咨  
 質不詳其事但依漢書國志陳君所載凡  
 士女二百四十八人而已後賢二十人合  
 二百六十八人以示來世之好事者如能

詳其遺脫及有可書願附于左

李本作於

其傳志父祖子孫及有名失事失官位

劉本頂格寫

者不列寧州人士亦不列別為目錄至  
 晉元康末凡三百九十二人也

李本無也字

華陽國志卷第十之下

卷之七

卷之七

七

